



Baengh Dangj Duet Mauhgungz

靠党才脱贫

□ Vangz Fungmingz / 黄凤明

Mbwk:

Vadauz nding le va' maenj yo,
Gingjsaek gyaundeit youh caiq dauq,
Gyo' mbaiq aendangj ndei lingjdauj,
Aen mauh gungzhoj gou ndaej duet.

Sai:

Mwngz ndaej duetgungz sim gou angq,
Guek raeuz dangqnaj caen dwg hwng,
Yienghyiengh souh'ik miz gou mwngz,
Cungj daengj mehfwngz haenh mbouj dingz.

Mbwk:

Haeux ngaiz lai gwn mbouj lau heiq,
Ndwenggoenz seizneix cibfaen ndei,
Raemx dienx goengloh daengz ranz caez,
Yienghyiengh dou cungj ndaej yienghsauh.

Sai:

Cwngzcwz aendangj ndei raixcaix,
Vunzlai cungj ndaej duet mauhgungz,
Beixnuengx bouxbya caeuq bouxrungh,
Vunzvunz miz gwn youh miz daenj.

Mbwk:

Raeuz ndaej gijndei cungj aeu rox,
Hwnjdangz mienx cienx doq miz gwn,
Hawj lwg maj ndaej lumj faex mwn,
Haenqrengz fwndou caux daengzcog.

Sai:

Dahnuengx gangj vah cungj dwg caen,
Gij aen aendangj raeuz aeu geiq,
Ndwenggoenz lwgminz saedcaih ndei,
Goenglauz aendangj beij mbwn hung.

Mbwk:

Va rang hailangh mak baenz lai,
Rumzcin fwnmoenq caiq daengz biengz,
Aendangj yinghmingz lwgminz riengz,
Aencingz aendangj cien bi geiq.

Sai:

Gungcanjdangj naeuz raeuz duetgungz,
Vahgyaj vahcaen cungj ndaej raen,
Siujiangh sevei ndaej cauxbaenz,
Lumj aen daengdap rongh gwnz mbwn.

Caez eu:

Caezgya sim gyaez gungcanjdangj,
Daengngoenz ndit angj rumzraeuj ci,
Doxdaz gaem fwngz caux fouqmiz,
Vunzlai docih dangjuncunghyangh.

Vihmaz Heuh Dangj Guh Daxmeh?

为啥把党称母亲？

□ Vangz Gozgvanh / 黄国观

Lan:

Vihmaz heuh dangj guh daxmeh,
Bouxgeq bouxcoz heuh doxdoengz?
Daxgoeng mwngz naeuz hawj gou rox,
Vihmaz doq aeu dingq dangj gangj?

Goeng:

Lan ha!
Bak bi neix gvaqdaeu,
Dwg daxmeh neix——
Yungh gij lwed de vuenh ndaej mbwn rongh,
Yungh gij gaenx de bag bya dangh dah,
Yungh gij cij de ciengx ndaej lwgminz daengx guek,
Yungh aen ndang de caux aen diendeih hoengh—
hwdhwd neix.

Mbouj miz gungcanjdangj,

Couh mbouj miz Cungguek moq.
Dangj ha!
Lumj daxmeh gyaez raeuz,
Daih ciep daih roengzbae,
Cungj aeu dingq dangj gangj.

Lan ha,

Mwngz dingq rox lwi?

Lan:

Daxgoeng,
Gou rox lo,
Dangj dwg daxmeh ndiepgyaez raeuz,
Raeuz aeu daihdaih dingq dangj gangj,
Itheij haenqrengz caux aen roennaj ronghsagsag,
Itheij haenqrengz hawj Cunghvaz Minzcuz raeuz
ndaej fukhwng!

Lwgnyez Sim Gyaez Dangj

爱党在心中

□ Veiz Baujlanz / 韦保兰

Caetit daengz, sim angqyangz,
Ciengq go diuqfoux haenhdangj dangj.
Hungzlingjinh, naj aek mbin,
Laebceiq hagsib bauqdap dangj.
Gangj vwnzmingz, rox laexsoq,
Boux vunz ndaw dungx aeu miz maeg.
Diendeih gvangq, aeu yawj gyae,
Hag ndei bonjsaeh byaij lajbiengz.
Gohgi ak, caeu ndaw saw,
Damqra roen naj dou aeu bae.
Miz saenqniemh, miz ceiqheiq,
Ndwenggoenz an'onj ik majhung.
Fwen gyaez dangj, ndawsim eu,
Ronghlwenq aendangj ciuq ndang dou,
Aencingz aendangj cungj mbouj lumz.

Daeglauz daegsam Cinz Dayenz
cungj daengz ndaw ding daeuj yawj
Lungz Byauh lo, cij mbouj raen
daegseiq Ah Gwnh daeuj, Lungz
Byauh sim luenhnyau deq,
maqmuengh Siu Cuh ndaej ndwn youq
dangqnaj, hoeng youh lau raen Siu
Cuh. Ienqhaemz caeuq ngeixniemh
youq ndawsim de donggaengaen, gag
yawjsiuj bonjfaenh caeuq siengsim
hawj saeknaj de bienq ndaej
hausaksak, hoeng de lij aeu cangguh
miz najriu caeuq bohlgw Cinz Dayenz
gangjgoj.

“Dingqgangj mwngz bae Yangh—
gangj lo? Dahraix?” Daegsam cam.

“Caen bae lo!” Lungz Byauh sim
ngunh uk luenh dap naeuz:
“Yanghgangj caen nauhyied!”

“Mwngz youq Yanghgangj guh
maz? Song bi mbouj miz di siusik

·Sawcuenhvaez Lwgnyez·

Gij Golwgnyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

dauq!” Daeglauz cam.

“Hei! Loenghloengh fagcungq,
dwkdwk gienx, mbouj miz maz okcot,
cungj siengj dauqma, baihde cungj liz
mbouj ndaej……”

“Mwngz rox loengh cungq?” Cinz
Dayenz doeksaet cam.

“Cungqraez, cungqdinj, lienx
nyingz, dan dwk, hei hei. Yungzheih
dangqmaz ne!”

Bohlwg Cinz Dayen doxyawj,

daihgya cungj gig mbouj cwxcaih.

“Lungz Byauh ha!” Cinz Dayenz
cit gaemz doengzien ndeu, menhmenh
byoq okdaeu, gij sing daj ndaw ien
hoenzfonfon cienx okdaeu, “baezneix
dauqma le couh mbouj aeu caiq lizhai
lo! Meh mwngz ndangdaej mbouj ndei,
mwngz guh lwg wnggai youq ranz ganq
de goq de.”

“Gyo' mbaiq daxlungz, nienzco
bang fwngz ranz gou, gouq meh gou

lo……”

“Ranz vunz he, gaej yienghneix
gangj!” Cinz Dayenz yaengx doengzien
dajduenh coenz vah Lungz Byauh,
“lajbyonghngoenz daengz ndawranz
daeuj nauhyied yaep he ba,
ngoenzneix lan daihcib gou ndaej rim
ndwen lo, mwngz lauheiq lij caengz
rox ba, couhwdg daegseiq gou Ah
Gwnh—— Yi, Ah Gwnh ne?”

(caengz sat)

